



REPUBLIKA E KOSOVËS/REPUBLIKA KOSOVA

GJYKATA THEMELORE PRISHTINE

Numri i lëndës: 2019:293228

Datë: 08.09.2020

Numri i dokumentit: 01100777

A.nr.3041/19

GJYKATA THEMELORE NË PRISHTINË – Departamenti për Çështje Administrative, me gjyqtaren Arjeta Sadiku, në konfliktin administrativ të paditësit H.B., me adresë në Rr. “S.B.”, nr., Prishtinë, kundër të paditurës Komisioni Qeveritar për Njohjen e Statusit të Veteranit të UÇK-së, në bazë juridike, anulimin e aktit administrativ, jashtë seancës, me datën 8 shtator 2020 merr këtë:

A K T V E N D I M

HUDHET poshtë padia e paditësit, H.B. nga P., e ushtruar në këtë çështje juridike me datë 19 dhjetor 2019, e evidentuar me A.nr. 3041/19, **si e parregullt.**

A r s y e t i m i

Paditësi me datë, 19 dhjetor 2020, ka parashtruar padi në këtë gjykatë, kundër të paditurës, Komisioni Qeveritar për Njohjen e Statusit të Veteranit të UÇK-së, me të cilën ka kërkuar njohjen e statusit të veteranit.

Gjykata pas shqyrtimit paraprak të padisë ka gjetur se padia e paditësit është jo e rregullt në aspektin objektiv dhe subjektiv.

Prandaj gjykata me aktvendimin e datës 03.02.2020, e ka detyruar paditësin që në afat prej 8 ditësh, t'i eliminojë të metat e padisë dhe t'ia dorëzoj kopjen e aktit administrativ kontestues të kundërshtuar sipas padisë si dhe të gjitha provat mbi të cilat e mbështet kërkesëpadinë e tij.

Meqenëse paditësi në afatin e përcaktuar prej 8 ditësh, e as më pas, nuk i ka evituar të metat e padisë, gjykata në kuptim të Nenit 33.2 të Ligjit për Konfliktet Administrative (LKA) – Ligji Nr. 03/L-202, e ka hudhë padinë si të parregullt dhe ka vendos si në dispozitiv të këtij aktvendimi.

GJYKATA THEMELORE NË PRISHTINË

Departamenti për Çështje Administrative

A.nr. 3041/19, me datë 8 shtator 2020

G j y q t a r j a

Arjeta Sadiku

KËSHILLA JURIDIKE: Kundër këtij aktvendimi është e lejuar ankesa në afat prej 15 ditëve nga dita e marrjes së të njëjtit, Gjykatës së Apelit në Prishtinë, përmes kësaj gjykate.